

Табасарандин сес

Уьмрин дережа за аплуз!



Табасаран райондин
жямьяатлугъдинна - политикайин газат



Голос
Табасарана

№ 51 (1145) Жвуми, 15-пи декабрь, 2023-пи йис (2001-пи йисан 5-пи майдианмина удубч1вур)

Конституция -Асас Къанун

Гъарисан декабрин 12-ди ихъ уьлкейиь РФ-йин Конституцияйин йигъ къайд аплуру. Думу йигъ 1993-пи йисан уьлкейин агъалийрин референдумдинди къабул гъаплу ва гъира гъяракатнаъ аий Урусат Федерацияйин Асас Къанундиз бахш дап1найи йигъ ву.

Конституцияйин йигъ аз тьялукъ вуйи серенжем 12-пи декабриь райондин модельный библиотекайин залиь к1ули гъубшнийи. Серенжемдиь «Табасаран район» МР-ин Глава Мягьямед Къурбанов, райондин депутатарин Собраниейин председатель Иса Исаев, УО-йин начальник Абдусалам Гъясанов, райондин саб жерге тешкилатарин работникар аийи. Конституция къабул дап1ну 30 йис таман хъпан шадлугънан серенжем РФ-йин гимнийихъ хъпехъбалам ва дидиз тьялукъ видеороликар из лигбалам ккебгънийи.

(Аьхир 2-пи машнаь.)

«Гъич саркъан фикир тутрувди гъузидаь – думу ич буржи вуйич...»

«Дагъустан» РИА-йи хабар тувганси, РД-йин премьер-министр Абдулмуслим Абдулмуслимовди 6-пи декабриь к1ули гъубшу пресс-конференцияйиь Ватан уьбхъан гъуллугънаъ аийи военнослужащийрин хизанариз региондиь лайикълу кюмек туврайиваликан гъаплу. Кюмек гъацира шефвал гъадабгънайи РФ-йин Запорожье областдин Михайловский райондин агъалийризра тувра.

«2022-пи йисан республикайин зегъметнан ва социалин артмиш'валин министерствойин гъвалахъ яратмиш дап1найи «Вари сат1иди» ччвур тувнайи Дагъустандин региондин социалин фондди чан лянин мянфяатлуди к1улиз адабгъура. Гъийин йигъаз РД-йин Гъюкуматди резервдин фонддиан улупнайи фонддиз 600 миллион манат хътап1ну, хъа вари жорбежюр булагъариан

(Аьхир 3-пи машнаь.)

Ватандин Игитарин Йигъ къайд гъапл1ну



удуч1вну улхури, райондин администрацияйин главайин жямьяатлугъ хат1асузвалин ляхнариз лиггру заместитель Ринат Мирзабалаевди чан ва райондин главайин терефнаан Ватандин Игитарин Йигъахъди тебрик гъапл1нийи.

«Ухъу ихъ адлу тарихдин ва гъийин деврин Игитарин гъюрмат уьбхъухъа. Вари деврариь Ватан уьбхъюри гъахъидарин, асас вуди Ватандин Аьхю

Цци 8-пи декабриь ихъ райондин центр Хючна гъулаь культурайин Хулаь Ватандин Игитарин Йигъаз

бахш дап1найи серенжем гъабхъну. Серенжемдиз гъюрматлу хъларра - СВО-йиь иштирак шулайи ва

жикъи вахтназ отпускдиз дуфнайи ихъ ватанагълийрра дуфнайи.

Уч духънайидар, улихъ

дяддин йисари, гъийин вахтна СВО-йиь иштирак шулайидарин гъунаариинди

(Аьхир 2-пи машнаь.)

Ядигарвалин къулар ачмиш гъапл1ну

Табасаран райондиь Ватандин Игитарин Йигъахъди аьлакълуди ядигарвалин йиц1исаб къул ачмиш гъапл1ну.

Декабрин 9-ди СВО-йиь гъак1и Хючнаарин къюбпи нумрайин мектебдин выпускник Рафик Исафиловдиз ядигарвалин къул ачмиш аплбан серенжемдиь «Табасаран район» МР-ин Глава Мягьямед Къурбанов иштирак гъахъну.

Росгвардияйин айт1ан къушмарин старший сержант Исафиловдиз Къагъялвалин Орден тувну (йик1бан къяляхъ).

Военнослужащийиз ядигарвалин къул ачмиш аплбан серенжемдиь иштирак хъуз ва дугъан яс уьбхъюз мектебдин гъягъдиз дугъан багагълуйир, мектебдиь урхурайидар ва мялимар гъафну.

(Аьхир 3-пи машнаь.)



12-пи декабрь – Урусатдин Федерацияин Конституцияин Йигъ

Урусатдин Федерацияин Конституцияин Йигъ гъарисан 12-пи декабрь къайд аплура. Думу ихъ государственной уьмриъ важиблудаттирикан саб ву. Думу йигъ ихъ уьлкейиъ 2023-пи йисан 30-пи ражари къайд аплура.

1993-пи йисан вари халкъди сес тувбинди Урусатдин Федерацияин Цийи Конституция кьабул гъап 1 нийи. Конституцияин вари текст 1993-пи йисан 25-пи декабрь «Урусатдин газатдиъ» чап гъап 1 нийи. 1994-пи йисанмина Урусатдин Президентдин Указариз асас («Урусатдин Федерацияин Конституцияин Йигъан гъакънаан» ва «12-пи декабрь рабочий йигъ дарувалин гъакънаан»), 12-пи декабрь государственной машквар йигъ вуди мялум гъап 1 ну.

Конституция – государственной асас къанун – Урусатдиъ ихтиярарин асас юк 1 в ву ва диди имбу къанунарин мяна ачухъ аплура.

1990-пи йисари Урусатдин Конституцияи зат дарш кьоб политикайин кризис аьгъ гъап 1 ну. Дурариан Урусат лайикълуди удуб 1 ну. 1993-пи йисандин Урусатдин Конституцияиъз улихъна, ихъ уьлкейиъ 1918-пи йисан РСФСР-ин ва 1924-пи йисан совет уьлкейин ругариин социализм гъалиб хъувал тасдикъ гъап 1 ну СССР-ин сабпи Конституция кьабул гъап 1 нийи. Хъасин 1936-пи йисан ва къяляхъна 1977-пи йисан СССР дабгъайиз къувватнаъ имбу «брежневдин» Конституцияиъ гъахънийи.

Урусатдин Конституция – Урусатдин государственной демократвалин артмиш валин мюгъкам шибрит 1 ву. Думу саб гъаци ужувлан ниятар мялум аплуб ваъ, хъа гъакъикъатдиъ либухурайи документ ву. Фуну уьлкейинра ватандашариз Конституция – му сабпи нубатнаъ аьгъяди дубхъу ккуни къанун ву, гъаз гъапиш къанунарь аьгъяди хъувал ва дурар дишди ишлетмиш аплувал цивилизацияин уьмрин норма ва дидин ери за аплуз аьхю къувват ву.

Конституцияиъ дигиш валар тлаубра мумкин ву.

РФ-йин Конституция кьабул гъап 1 хъантина дидиъ дигиш валарра тлаъну, дурарикан аьхиримжидарикан саб «Варида барабарди ва дишди сес тувуз аий ихтиярарин бинайинди жиниди сес туври Урусатдин Федерацияин ватандашари йирхъуд йисандин мудатназ Урусатдин Федерацияин Президент ктагъбан гъакънаан» (4 йис улихъна) ва «Государственной Дума хъуд йисандин мудатназ ктагъбан гъакънаан» положенийи ву (РФ-йин Конституцияиъ

дигиш валар тлаъбан гъакънаан 2008-пи йисан 30-пи декабрь 6 – ФКЗ нумрайиккди адабгъу РФ-йин Къанун).

2014-пи йисан Конституцияиъ РФ-йин Верховный суд ва Высший Арбитражный суд саг 1 и ап 1 бахъди аьлакълуди, Урусатдин дахилназ Крым Республика ва федералин эгъемиятдин Севастополь шагъур кьабул ап 1 бахъди, гъацира федералин сенаторарин институт тлап 1 бахъди аьлакълуди дигиш валар тлаънийи. 2020-пи йисанра Асас къанундиъ хайлин дигиш валар тлаъну. Дурар президентдиъхъна, гъокуматдин членарихъна, жюрбежур дережийрин госчиновникарихъна вуйи цийи тлаабарихъди, ватандашарин улихъ государственной социалин заминвалар тасдикъ ап 1 бахъди, парламентдин ихтиярарихъди, федералин ругар дисуз гъидридувалихъди, урус члаллан статус тасдикъ аплувалихъди, дюньяйин халкъарин арайиъ вуйи къанунарин улихъ, эгер дурар Урусатдин Конституцияиъхъди дюзди гъюри адарш, милли къанунарь зади хъувал тасдикъ аплувалихъди аьлакълуди вуйи.

2022-пи йисанра, РФ-йин дахилназ цийи регионар тлаъбахъди аьлакълуди, Конституцияиъ дигиш валар тлаънийи.

Урусатдин Конституцияин замин РФ-йин Президент ву.

Гъуллугънаъ дийигъруган, дугъу, Конституцияиъ хил иливну, ватандиз вафалувалин, думу уьбхюз, дидин къанунарь тамам аплуз ху аплуру.

Йицлуд йистлан зина вахтна Конституцияин Йигъ официално рьгъятвал йивру йигъ вуди мялум дап 1 нийи. Хъа 2004-пи йисан Госдумайи РФ-йин Зегъметнан кодексдиъ дигиш валар тлаъну, яни Урусатдин машкварин календарий Конституцияин йигъ ядигарин датаси мялум гъап 1 ну.

Дидиз дилигди, 12-пи декабрь государственной Асас къанундин гъюрматназ ихъ уьлкейиъ жюрбежур серенжемар клуи гъаху шулу. Гизафси дурар образованийин ва культурайин идарийиъ гъахура – ихтиярарин гъакънаан дарсар, «гергми столар», выставкйир, машкварин концертар, гизаф агъалийр иштирак шулайи акцияир, митингар, флешмобар ва гъаци жарадаар.

СМИ-йин гъязур гъап 1 ур
И. ЯРЯЛИЕВ,
газатдин клуин редактор.

Конституция - Асас Къанун



(Эвел 1-пи машнаъ.)

Серенжем клуи гъабхурайи «Табасаран район» МЦБС-дин директор Рафик Аьлиев вуйи. Конституцияин тарихдикан райондин образованийин Управленийин начальник Аьлдусалам Гъасановди ктибтнийи. Мягъамед Къурбановди вари уч духънайидар машквархъди тебрик, дурариз хъуркъу-

валар ва ислягъвал ккун гъап 1 нийи. Дугъу райондин мектебариз урхурайи 5 байшураз паспортар тувнийи ва гъап 1 нийи: «Гъи учву вари ихтиярар аий ватандашар духъначва, учвуз, ичв хусуси мумкинвалариз лигну, вари раккнар ачмиш аплура. Учумудлу вуча, учву ичв вари къувват гележегдиъ ихъ Ватан, район балгъаз бахш

аплуз дупну. Учвуз хъуркъу-валар ишири».

Серенжем дидин иштиракчийи Урусатдин асас Къанундиз тьлукъ вуйи цалин газатарихъди, китабарин выставкйирихъди таниш ап 1 биинди ккудубк 1 нийи.

Фарзилат РАЖАБОВА.

Нуруллагъ
РЯГЪИМОВДИ
гъиву шикил.

«Дагъустан» РГВК-йи юбилей къайд гъап 1 ну



Улихъна йигъари ихъ республикайин Гъарун Саидовдин ччвурнахъ хъайи государственной вещанийин «Дагъустан» компанияи 20 йис хъпан юбилей къайд гъап 1 ну. «Дагъустан» РГВК Урусатдиъ конституцияиъ улупнайи 14 члалниинди вещание гъабхурайи саб компания ву. Юбилейин серенжемдиъ ихъ райондин администрацияин пресс-секретарь Эльмира Рамазанова, «Табасарандин сес» газатдин клуин редактор Имираслан Ярялиев иштирак гъахъну. Юбилейихъди тебрик аплури, ихъ райондин глава Мягъамед Къурбановди «Дагъустан» РГВК-йин коллективдиз тебрикнан кагъаз хътап 1 ну. Душваъ, райондин администрацияи райондиъ клуи гъабхурайи ляхнин ва серенжемарин тереф уьбхбан ва думу ляхникан, серенжемарикан гъакъикъи мялумат туври хъпан РГВК-йин гъуллугъчийириз чухсагъул мялум аплура. «Асас фикир тувуб табасаран члалниинди удубч 1 вурайи «Мил» передачайи тлааб аплура. Душв'ан цийи хабарихъ хъпехъуз, табасаран халкъдин яшайишдикан марагълу сюжетариз лигуз, эстрадайин аьртисарихъ хъпехъуз шулу, диди багъри члал уьбхюз, табасаран культура тарабгъуз, Дагъустандин, гъацира Урусатдин жара халкъарин табасаран культурайихъди таниш хъуз мумкинвал тувра», - гъибик 1 ну Мягъамед Къурбановди. Дугъу гъацира коллективдиз сагъвал, гележегдиъ яратмиш ап 1 бан хъуркъувалар, гизаф тамашачийи ва цийи проектар ккун гъап 1 ну.

Аьбдулмажид РАШИДОВ.

Шиклий: «Табасарандин сес» газатдин клуин редактор Имираслан Ярялиевди «Дагъустан» РГВК-йин генеральный директор Камила Гъямзатова юбилейихъди тебрик аплури.

Ватандин Игитарин Йигъ къайд гъап 1 ну

(Эвел 1-пи машнаъ.)

адлу вухъа, дамах аплухъа. Дурари ихъ Ватандин эскервалин адлувал хъана артухъ аплура», - гъапну Ринат Мирзабалаевди. Дугъу гъацира райондин саб-швнуб мектебдиъ СВО-йиъ гъак 1 идарин гъюрматназ мемориалин кьулар ачмиш ап 1 бакан гъап 1 нийи.

Серенжемдиъ райондин военный комиссарин заместитель Надир Шихагъмедовра удуч 1 ну гъулхнийи. Дугъу машкварин тарихдикан, дидин эгъемиятлувалин гъап 1 нийи. «Ватандин Игитарин Йигъ Урусатдин тарихдиъхъди сигъ аьлакъайи а. Диди чпин ляхнариинди, гъяракатарининди, уьмринди Ватандиз халис гъуллугъ ап 1 бан нумуна улупдарин гъунараь адлу аплура», - гъапну Надир Шихагъмедовди. Дугъу гъацира табасаранлуийи - Урусатдин Игитар Рустам Мурадов, Эседулла Абачев, Руслан Къурбанов, Исрафил Мягъамедов Ватандиз халис гъуллугъ ап 1 бан нумуна вуйиваликан гъап 1 нийи.

СВО-йин иштиракчийи, гъаму вахтна отпускдиз дуфнайи Аьбдулкьадир Ражабовди, Юсуф Аьлимягъмедовди чпин гъуллугънакан, гъуллугънан вахтна далу

терефнаан кюмекнакан, далу терефнахъди аьлакъайикан, военнослужачийириз биц 1 идари диклури шу кагъзарикан, дурари рюгъ за аплуваликан, дициб аьлакъайи халкъдиъхъди сабвал гъисс аплуз ва гъалибвал къан дарди гъазанмиш аплувалиин умудлу хъуз гъитруваликан гъапну.

Серенжемдиъ дагъустанлуийи – Урусатдин Игитарикан мялуматар тувнийи. Душваъ военный темайиан хореографияин номерар, жюрбежур композицияир улупнийи.

СВО-йин иштиракчийириз, женгнан месэлийи тамам аплурайи вахтна Ватан ва государственной интересар уьрхбаъ эскервалин буржи лайикълуди тамам ап 1 баз, къягъялвал, игитвал улупбаз лигну ва Ватандин Игитарин Йигъахъди аьлакълуди, Табасаран райондин Главайин терефнаан Гъюрматнан грамотийи тувну.

Серенжемдин аьхирйи саб дакъикъайи ккебехъбиинди гъийиху Ватандин вари Игитарин яс гъюбхну.

Аьбдулмажид
РАШИДОВ.

Нурулла
РЯГЪИМОВДИ
гъиву шиклар.

Ядигарвалин кьулар ачмиш гьап1ну

(Эвел 1-пи машнаъ.)

Серенжемдиз дуфнайидарихъна илт1ик1ури, Мягьямед Къурбановди гьапну: «Ухъуз мялум вуйиганси, ихъ юкьур ватанагълийиз Урусатдин Игит ччвур тувну, хъа игитар ухъуз хайлин ахъуз, чпиз ядигарвалин кьулар арццнайидар вари игитар ву, дурари, ихъ Ватан бадали жанар дивну, игит ляхин гьап1ну. Гьи ихъ райондиан агъзариинди эскрар СВО-йиъ иштирак шула. Гьит дурар, гъалибвал гьадабгъну, сагъ-саламатди чпин хулариз къяляхъ гьюри. Гъайифки,къяляхъ гьюб варидиз къисмат шудлар.

Узуз Рафик Ибрафимов аьгъайуз. Думу намуслур, клубнир ва спортдиин машгъул вуйи бай вуйи. Думу ватанпервер гъахъну, гъаз гъапиш, зиян гъабхънушра, думу чан гъуллугъ давам аплуз гъушну. Гъацир бай тербияламиш аплбаъ дугъаз тербия ва аьгъовалар туву мялимарин роля ахъюб ву. Ихъ гъийиху вари эскрар гъарган к1ваин уьрхидихъа, хъа дурарин абйир-бабариз сабур ккун аплурхъа».

Табасаран райондин военкоматдин отделин начальник Надир Шихахмедовди СВО-йиъ ихъ ватанагълийири киву ва киврайи пайнакан, дурарин къягъялваликан ва ватанперверваликан гъапну.

Удуч1вну гъулху Хючнаарин къюбпи нумрайин къялан мектебдин директор Пянягъ Султановди ва гъак1и эскрин багагълуйири к1ваант1ан ужудар гафар гъаппийи. Мектебдин ккертгъбан классариъ урхурайидари «Къяляхъ дарфи игитариз» к1уру музыкайин-на-литературайин композиция улупну.

Мемориалин кьул райондин глава Мягьямед Къурбанов ва Ибрафимовдин гъардаш Сиражутдин Ибрафимовди ачмиш гьап1ну.



Хъасин серенжемдиъ иштиракчйири ядигарвалин кьулихъ кюкйир дивнийи ва саб дакъикъайиъ ккебехъбинди СВО-йиъ гъак1идарин яс гъюбхнийи.

Ватандин Игитарин Йи-

гъаз бахш вуди декабрин 8-пи ва 9-пи йигъари Табасаран райондин 9 мектебдиъ СВО-йиъ гъак1и чпин выпускникариъ ядигарвалин йиц1исаб кьул ачмиш гьап1ну: Хючнаарин къюб-

пи нумрайин, Т1атларин, Цухдигъарин, Гурхъарин, Гурхнарин, Халгъарин, Ягъдигъарин сабпи нумрайин, Мягърягъарин сабпи нумрайин, Дарвгъарин къюбпи нумрайин мектебарий.

Угълангерек
КЪУРБАНОВА.

Нурулла
РЯГЫМОВДИ
гъиву ва СМИ-йиан
вуйи шиклар.

«Гъич саркъан фикир тутрувди гъузида – думу ич буржи вуйич...»

(Эвел 1-пи машнаъ.)

848 миллион манат уч гъабхъну. Гъийин йигъаз думу фонддиан, умуми гъисабниинди, 650-т1ан артухъ хизанариз ва зийнар гъахъи военнослужащйириъ 711,8 миллион манатдин выплатйир тувну. Гъийихдарин хизанариз жюрбежюр терефариан вуйи кюмекар аплура, гъадму гъисабнаан яшайишдинра, лазим гъабхъиш, дицистар хизанарихъди психологарра лихуру. Гъич саркъан фикир тутрувди гъузида – думу ич буржи вуйич», - гъапну Абдулмуслим Абдулмуслимовди.

Гъацира РД-йин Гъюкуматдин Председатели къайд гъап1нуки, РФ-йин Запорожье областдин Михайловский райондин ругарин республикайин кюмекниинди 32 объект цийи алаура, дурар асас вуди социалин ва ЖКХ-йин объектар ву.

Чандиз гъязур гъап1ур
Аб. РАШИДОВ.

СВО-йиъ гъунарау улупбаз лигнуну

Декабрин 12-ди «Табасаран район» МР-ин Глава Мягьямед Къурбановди СВО-йиъ гъак1и ихъ ватанагълийири младший сержант Ражаб Къурбановдин дада Зарият Къурбановайихъна (Хянягъ гъул) ва ефрейтор Самрат Гъямзаевдин адаш Расим Гъямзаевдихъна (Вечрикк гъул) дурарин баяр лайикълу гъахъи Къягъялвалин орденар тувну.

Наградйирихъди лишанлу аплбан серенжемдиз СВО-йин женгарий гъак1и эскрарин багъридарт1ан савайи, райондин Жмяаьтлугъ палатайин председатель Аьлимирза Гъясанов, райондин военный комиссар Садикь Мурадялиев, райондин администрацияйин главайин диндин месэлийириъ лигнуну кюмекчи Надир Зульфийкаров ва Куркакк, Хюрикк гъуларин СП-йири главийи гъафнийи.

Дуфнайидари гъак1и



эскрарин теклиф кап1нийи, дурарин абйир-бабариз мицисдар баяр тербияламиш аплбаз чухсагъул гъаппийи. «Ичв баяр игит баяр ву, гъаз гъапиш дурари чпин

ватандаш'валин буржи на-муслуди к1улиз адабгъну, ватан, ислэгъвал бадали чпин жанар дивну. Ичв фицдар суалар арайиз гъафишра, учхъна илт1ик1ай, учхъан

шлубдин кюмек аплуз чалашмиш хъидича», - гъапну Мягьямед Къурбановди.

Самрат Гъямзаевдин адаш Расим Гъямзаевди багъри (Аьхир 8-пи машнаъ.)

Профессорско-преподавательская делегация ДГУ встретила со школьниками Табасаранского района

Глава Табасаранского района Магомед Курбанов принял участие во встрече учителей и школьников выпускных классов образовательных учреждений района с профессорско-преподавательским составом Дагестанского государственного университета.

мирование выпускников о качестве образования и перспективах трудоустройства после получения диплома, а также профориентационная работа для выпускников школ, чтобы при выборе вуза и факультета для будущей учебы они имели ввиду и ДГУ.

которых разберут задачи по ЕГЭ, видеоконференции, образовательные форумы. Предполагается, что взаимодействие будет происходить по договору между ДГУ и администрацией района.

Гости ответили на вопросы учащихся выпускных классов, которые касались не



Встреча состоялась в актовом зале Хучнинского лицея №1.

Делегацию головного вуза республики возглавлял проректор по социальной и воспитательной работе ДГУ Магомед Гаирбеков.

В ее состав вошли декан социального факультета Сайдархан Айгубов и деканы естественно-научных факультетов: химического - Магомед Бубуев, биологического - Рустам Халилов, физического - Вали Курбанисмаилов, математического - Амучи Якубов и др.

Нынешняя встреча стала логическим продолжением состоявшихся ранее Олимпиады по математике им. профессора МГУ Зейдуллы Юзбекова и семинара по русскому языку и литературе с участием членов Ассоциации педагогов республики.

Каждый из гостей встречи рассказал о специальностях, на которые можно выучиться на факультетах и востребованности их на рынке труда, описал возможности карьерного роста выпускников факультетов по окончании вуза или уже на старших курсах.

только качества образования в ДГУ, но и возможностей по реализации в общественной жизни, занятий спортом, отдыха, размера стипендии, наличия общежития для студентов.

В завершение мероприятия руководитель муниципалитета также сообщил школьникам, что отличники учебы, активные в общественной жизни, в качестве поощрения могут быть направлены на выставку-форум «Россия» в Москве, которая продлится до апреля следующего года. «Практика уже отработана, ранее




В своем выступлении Магомед Курбанов сообщил, что главные цели встречи - установление продуктивного информационного взаимодействия между преподавательскими коллективами факультетов ДГУ и педагогами школ района, инфор-

Участники мероприятия обсудили создание площадки, на которой вузовские преподаватели могли бы поделиться своим опытом с педагогами по точным дисциплинам из школ района. Это могли бы быть и обучающие семинары, на

в Москву на экскурсию в лучшие вузы страны за счет администрации района были направлены победители и призеры математической олимпиады имени Зейдуллы Юзбекова», - добавил Магомед Курбанов.

А. ИСАЕВ.
Фото Н. РАГИМОВ.

Герою России 27 лет



МР «Табасаранский район» М. Курбанов.

«Вы отдаете все силы ради защиты и благополучия нашей Родины, и мы бесконечно Вам за это благодарны. Ваше мужество, до-

10 декабря, Почетному гражданину Табасаранского района, Герою России Руслану Курбанову исполнилось 27 лет.

От имени коллектива администрации Табасаранского района, Собрания депутатов, жителей и от себя лично Героя России с днем рождения поздравил Глава

блесть, безупречная преданность военной службе делают Вас истинным героем нашего времени. Мы, жители района, восхищаемся Вашей решительностью и смелостью. Вы - источник вдохновения и гордости не только для своей семьи и близких, но и для всей страны,» написал он на своей странице в социальной сети Telegram.

Призыв-2023

Нубатнан десте рьякью ап1ну

Цци декабрин 7-диъ ихъ райондиан Урусатдин Яракьлу Къувватариъ чпин ватандаш'валин буржи тамам ап1уз нубатнан десте рьякью ап1ну. Эскервалин гьуллугъназ гьягьюраийи жигьилар рьякью ауз думу йигъан военоматдин пишеккарт1ан савайи, «Табасаран район» МР-ин администрацияин главайин заместитель Заур Мусаев, жигьиларин абийр-бабар, дустар дуфнайи.

Жигьиларихъна илт1ик1ури, райондин военный комиссар Садикъ Мурадялиевди къайд гьап1нуки, райондиъ цийин йисанра призывдин кампания улупнайи план-диинди к1ули гьябгьюра. Эскервалин гьуллугъназ дих ап1биинди вуйи гьуллугъ тамам дап1ну ккудубк1у жигьиларихъан чпин хушнинди контрактра йибт1уз шулу. Дих ап1биинди вуйи гьуллугъ тамам ап1урайидар СВО-йиз гьахурдар.

Заур Мусаевди, призыв-

никарихъна илт1ик1ури, гьапну: «Учву, гьюрматлу жигьилар, ихъ Ватандин игитарин йигъан гьаншариъ ичв ватандаш'валин буржи тамам ап1уз гьягьюрач-ва. Учву ихъ ватанагьлий-ир- Урусатдин Игитар Рустам Мурадовдин, Эседулла Абачевдин, Руслан Къурбановдин, Исафил Мягьмедовдин гьуналар к1ваъ ади гьуллугъ ап1рувалиин умудлу вуча. Гьякъ ватанперверарси, Ватандиз лайик1у гьуллугъ тамам ап1биинди, ичв гьунараининди ихъ район адлу ап1инай. Ихъ ахъю наслари, фицдар читинваларин ан удуч1вну, ахъю гьуналар улупнуш, учвура намуслу гьуллугъ тамам ап1уз чалашмиш йихбай. Учвуз ягьурлу рьякъ ибшри!»

Призывникариз ягьурлу рьякъ ккун ап1ури, дурарин абийр-бабара хайлин гафар гьапнийи.

Фарзилат РАЖАБОВА.

Распоряжение Об определении места сбора и накопления ртутьсодержащих ламп на территории муниципального района «Табасаранский район» Республики Дагестан

В соответствии с п. 14 ч. 1 ст. 15 Федерального закона от 06.10.2003 г. № 131-ФЗ «Об общих принципах организации местного самоуправления в Российской Федерации» и руководствуясь Уставом муниципального образования «Табасаранский район», **распоряжаюсь:**

1. Определить местом сбора и накопления ртутьсодержащих ламп территорию земельного участка с кадастровым номером 05:17:000090:285 по адресу: Республика Дагестан, Табасаранский район, с. Татиль.

2. Распоряжение вступает в силу со дня его подписания и подлежит опубликованию в районной газете «Табасарандин сес» и размещению на сайте администрации муниципального района «Табасаранский район» в сети Интернет.

3. Контроль за исполнением настоящего распоряжения оставляю за собой.

Врио главы
муниципального района
«Табасаранский район»
Республики Дагестан
З.Н. МУСАЕВ.

Урус ч1алнан ва литературайин мялимарин семинар

Улихъна йигъари, декабрин 2-диъ, ихъ райондин Гимназияин бинайин урус ч1алнан ва литературайин мялимарин «Мялимдин хъуркьуваларихъан урхурайирин хъуркьуваларихъан» темайин ляхнин тажрубайин семинар к1ули гъубшну. Серенжем Дагъустан Республикайин педагогарин Ассоциацияи ихъ райондин администрацияин ва образованиейин Управленийин кюмекниинди тешкил гъап1-нийи. Серенжемдиъ райондин образованиейин тешиллатариан урус ч1алнан ва литературайин 95 ужударстар мялимар, образованиейин Управленийин работниклар, республикайин педагогарин Ассоциацияин членар, бажарагълу биц1идарин республикайин гизаф функцияйи аи интернет-лицейин насигъятчи, удукьувалар артмиш ап1бан «Альтаир» центрин мялим Ирина Билалова, РД-йин «РМЛИ ДОД» ГБОУ-йин урус ч1алнан ва литературайин мялим Гьяббат Гьяжимуратова, республикайин физикайин-математикайин лицейин урус ч1алнан ва литературайин мялим Виктория Муртузалиева, Избербаш шагърин 12-пи нумрайин къялан мектебдин урус ч1алнан ва литературайин мялим Салигъят Шамхалова аи. Серенжем РФ-йин ва РД-йин гимнийрихъ хъпехъбахъан Гимназияин ялхъвар ап1ру дестейи ялхъван ап1-балан ккебгънийи. Хялариз салам тувбан улхбахъди райондин администрацияин главайин заместитель Заур Мусаев илт1ик1нийи. Дугъу чан улхбаъ тажрубалу мялимарихъди вуйи гъамцдар гюрюшмишари райондин мялимариз ОГЭ-йиз ва ЕГЭ-йиз урхурайидар гъазур, устадвал за



ап1баз кюмек туврувалар гъапнийи. «Ич мектебарихъ жюрбежюр предметариан семинарар гъахуб аьдатнаъ абхънайиб вуйич. Райондин гимназияиъ му предметдиан семинар к1ули гъабхуб гъаци дюшюшнаан вуйиб дар, мушваъ урхурайидари урус ч1алнаан ЕГЭ тувбаан гъарсад йисан заан натижийр улупуру. Къайд ап1уз ккундузукки, 2023-пи йисан урус ч1алнаан ЕГЭ тувбаан райондин гимназияи республикайин 1404 мектебдин арайиъ 20-пи йишв гъазанмиш гъап1ну. Гъелбетда, думу мектебдин-ра, райондинра хъуркьувал вуди гъисаб шулу. Умудлу вуза, гъийин семинариъ республикайин ужударстар мялимари чпин аьгъювалар ва тажруба варидихъди пай ап1ур ва ГИА-йиан аьхю хъуркьувалар гъазанмиш ап1уз кюмек тувур дупну. Семинарин вари иштирак-чийриз ляхниъ хъуркьувалар ва гюрюшмишдикан ужудар ва аку хиялар гъитуб ккун



ап1урза»,-гъапнийи дугъу.

Удукьувалар артмиш ап1бан «Альтаир» центрин мялим Ирина Билаловаи семинарин метлебарикан ва месэлийирикан гъапнийи, натижа йивбан сочинениейиз

выпускника гъазур ап1бан методикайикан мялуматар тувнийи.

Семинарин ляхин юкьуб секцияиъ давам гъап1нийи. Тажрубалу мялимар вуйи Ирина Билаловаи, Гьяббат

Гьяжимуратоваи, Виктория Муртузалиеваи ва Салихат Шамхаловаи гъамцдар темйириан мастер-классар к1ули гъухнийи: «Натижа йивбан сочинение яратмиш ап1баан ляхинси ву», «Урус ч1алнаан ЕГЭ-йин 27-пи табшуругъназ гъазурлувалин методика», «Урус ч1алнаан ОГЭ-йин тестовый пайнан ц1ийиб ва тестовый месэлийр тамам ап1баз теклифар», «ЕГЭ-йин сочинениейриз комментарий. Бик1бариз рекомендацйир ва теклифар».

Дупну ккундуки, серенжем мяналуди, мянфяьтлуди ва ужуб мяъна ади к1ули гъубшну. Мялимари натижа йивбан сочинениейиз выпускника гъазур ап1бан методикайихъди, аи хайирлу мялуматарихъди таниш гъахъну. Райондин фило-

логариз му серенжем аьхю мяъна аиъ гъисаб гъахъну. **Фарзилат РАЖАБОВА.** Шикларий: серенжемдин геренар.

Н. РЯГЫМОВДИ гъиву шиклар.

ЗАГС-дин работникдин йигъаз

Улупбари шад ап1урдар

Аьдат вуйиганси, гъарсад йисан декабрин 18-ди ихъ уьлкейиъ ЗАГС-дин идарайин пишекарарин йигъ къайд ап1уру. Думу йигъ къайд ап1увал 1917-пи йисан 18-пи декабри «Ватандаш нюкгъин, биц1идарин гъакънаан ва дик1бар кайи китабар гъахбан гъакънаан» декрет-дикк къул зигбахъан аьдатнаъ абхъну. Думу йигъан, вари уьлкейиъси, ихъ райондиъра ЗАГС-дин «Ватандаш гъяллан гъакънаан дик1барин» идарайин пишекарари чпин пишекарвалин йигъ къайд ап1иди.

Улихънаси Табасаран райондин ЗАГС-дин заведующий Эльмира Аьлиевайихъан чпин ляхнин коллективдикан ва аи дигиш'валарикан пуб ккун



гъап1нийиза. Дугъу гъамци гъапнийи: -Улихъна йисари ЗАГС-дин идарайиъ лихуб читинди вуйи, хъа аьхирим-жи йисари, 1934-пи йисан мина, яни ЗАГС-диъ аи вари жюре улупбар компьютериъ аьбахъанмина, ляхин ап1уз рягъятди ву. Къюд

фунуб гъуллугъра тамам ап1уз шулу. Думут1анна савайи, учухъ улихъди тамам ап1ру саб жерге гъуллугъар, МФЦ-йиъ гизаф функцияйи аи центриъ тамам ап1уз мумкинвал а. Агъалийри гъаддиканра мянфяьт ктаб-гъуру.

-Ичв ляхниъ асас вуди райондиъ бабкан гъахъи биц1идар, кечмиш гъахъидар, ц1ийи хизан ккебгъри, нюкгъиъ уч1врудар, нюкгъар ч1юргърудар, ччвурар дигиш ап1рудар, байвализ гъадагърудар гъисабназ гъадагъуру. Дурарин къадар, улихъна, яни 2020-2021-пи йисарик лигъну, 2022-2023-пи йисари фициб ву. Фицдар дигиш'валар а, ужувлан дарш харжувлан?

-Мисалназ, гъадабгъухъа 2020-пи йис. Думу йисан бабкан гъахъи биц1идарин къадар, 10-пи декабриз вуйи улупбаринди, 747 биц1ир бабкан гъахъну, хъа кечмиш гъахъи инсанарин къадар 328 кас ву. Хъа 2021-пи йисан 10-пи декабриз бабкан

гъахъи биц1идарин къадар 688 биц1ир ву, хъа кечмиш гъахъидарин къадар-380 кас. Кечмиш гъахъидарин къадар 2020-пи йисант1ан 2021-пи йисан 52 касдинди артухъ, хъа бабкан гъахъи биц1идарин къадар 59-динди камди ву. 2022-пи йисан ноябрин 29-диз бабкан гъахъи биц1идарин къадар 574, хъа 30-пи декабриз вуйи улупбаринди 626 биц1ир ву, хъа кечмиш гъахъидарин къадар 372 кас. 2023-пи йисан 29-пи ноябриз бабкан гъахъи биц1идарин къадар 590 биц1ир ву, хъа гъадму вахтназ кечмиш гъахъидарин къадар 301 кас ву. 2022-пи йисан ноябрин 29-диз гъахъи биц1идарин къадарт1ан, 2023-пи йисан гъадму вахтназ вуйи биц1и-
(Аьхир 8-пи машинаъ.)

СВО-ийъ гьунаар улупбаз лигнуну

(Эвел 3-пи машнаъ.)

Вечрикк гьулаъ чан бадин ччвурнахъ бицлидарин майдан тикмиш аплуз участок жара аплуз ният айиваликан гьапну. Райондин главайи жавабдар ксариз лазим вуйи кюмек тувуб табшурмиш гьапну.

Гьадму серенжемдиъ Ругуж гьул'ан вуйи Руслан Гьажимурадов СВО-ийъ лайикълу гьахъи Суворовдин медаль дугъан хпир Наимайихъна тувнийи, гьаз гьапиш Русландихъан дина гьюз, хил алдабгъуз шлу себелназ лигнуну, гьабхъундайи.

Ватан уьбхбаъ гьунаар улупу эскрар гьам гьийин, гьамсана гележегдин наслариз нумуна ву. Ухьу дурар саб вахтнара кIваълан гьаидархъа.

**У. КЪУРБАНОВА.
Н. РЯГЬИМОВДИ гьиву шикил.**

Жикъиди

2023-пи йисан октябрин эвелиз Дагъустан Республикайиз 1,7 миллион туристар гьафну.

х х х

Кудубшу гьафтаийъ республикайин рякъарийъ гьахъи автоаварийриъ йирхъур кас гьакIну, гьадму гьисабнаан сар бицIир.

х х х

Дагъустан Республикайин сагламвал уьбхан министр Татьяна Беляевайи мялум гьапланси, шубуд йисандин

арайиъ ихъ республикайиъ медицинайин тяди кюмек тувбан автопаркдин 50 процентIан зина цIийи алапIну.

х х х

Урусатдиъ коронавирсидихъди ицру хъуб (оперштабди мялум аплурайганси) саб гьафтайин арайиъ 9,7 процентдинди за гьабхъну, ургуд йигъан COVID – дихъди кетIерцнаийи 9451 кас госпитализация гьапIну.

(СМИ-йиан).

К сведению депутатов

22 декабря 2023 года в 09:00 часов в зале заседаний администрации МР «Табасаранский район» состоится очередное тридцать третье заседание Собрания депутатов МР «Табасаранский район» РД с повесткой дня:

1. О бюджете муниципального района «Табасаранский район» РД на 2024г и на плановый период 2025 и 2026 гг.
2. О внесении изменений в Решение Собрания депутатов муниципального района «Табасаранский район» Республики Дагестан от 22.12.2022 г. №112 «О бюджете муниципального района «Табасаранский район» Республики Дагестан на 2023 год и на плановый период 2024 и 2025 гг».

3. Об объявлении конкурса по отбору кандидатур на должность Главы муниципального района «Табасаранский район»

Республики Дагестан.

4. О передаче осуществления части полномочий по решению вопросов местного значения муниципального района сельским поселениям Табасаранского района Республики Дагестан.

5. О примерном плане работы Собрания депутатов муниципального района «Табасаранский район» Республики Дагестан на 2024 год.

6. О премировании Главы муниципального района «Табасаранский район» Республики Дагестан и Председателя Собрания депутатов муниципального района «Табасаранский район» Республики Дагестан.

7. Разное.

**Председатель
Собрания депутатов МР
«Табасаранский район»
Республики Дагестан
И.А. ИСАЕВ.**

«Табасарандин сес» – ихъ багъри газат

Гьюрматлу ватанагъ-лийир!

Гьамусаятна 2024-пи йисаз «Табасарандин сес» газатдиз подписка давам шула. Ихъ багъри «Табасарандин

сес» газатдиз подпискайин кымат: йисаз – 776 манатна 03 кепек, индекс – 63316; 6 вазлиз – 388 манатна 02 кепек, индекс – 51375.

Редакция.

Спорт

Къюбпи йишв гьазанмиш гьапIну

Декабрин 5-ди Мягъячгъала шагъриъ «Труд» стадиондин 2011-2012-пи йисари бабкан гьахъи живанарин арайиъ Дагъустан Республикайиъ сабпи йишв бадали волейболиан соревнованийири кIули гьушну. Соревнованийириъ Дагъустандин районариан хъуб команда иштирак гьахъну, гьадму гьисабнаан ихъ райондин 3-пи нумрайин ДЮСШ-йин сборный командара.

Улихъ ккимиди кIули гьушу тамашийриъ ихъ команда Хунзах райондин командайиин 2:0 гьисабниинди гъалиб гьабхънийи, гъациб гьисабниинди Леваши райондин ва Мягъячгъала шагърин командийириинра. Хъа финалиъ Дахадаев райондин команда ихъ командайиин 2:0 гьисабниинди гъалиб гьабхънийи.



Соревнованийирин натижа гьамциб гьабхъну: сабпи йишваъ Дахадаев райондин команда, къюбпи йишваъ ихъ райондин команда гьабхъну,

шубубпи йишв Хунзах райондин командайи гьазанмиш гьапIну.

Приздин йишвар гьазанмиш гьапIну командийи ме-

даларихъди, кубкйирихъди ва Гьюрматнан Грамотийирихъди лишанлу гьапIну.

«Табасаран район» МР-ин Глава Мягъямед Къурбанов-

ди ихъ команда лайикълу хъуркъуваларихъди, арсран медаларихъди, тебрик, гележегдиъ хъана ахъю хъуркъувалар гьазанмиш апIбан бадали зигурайи зегъметназ чухсагъул мялум гьапIну.

«Саб-швнуб райондин спортсменарин арайиъ къюбпи йишв гьазанмиш апIубра ахъю хъуркъувал ву. Гьадди учвуз айи удукъруваларикан, спортдин юкIв аливаликан, гьязурлугваликан кIура. Учвуз ва ичв тренерарин штабдиз чухсагъул», - гьапну дугъу.

3-пи нумрайин ДЮСШ-йин директор Садикъ Уьсмановди Мягъямед Къурбановдиз, райондиъ волейбол артмиш апIбаз ахъю фикир туври хъпаз лигнуну, чухсагъул мялум гьапIну.

**Фарзилат
РАЖАБОВА.**

Улупбари шад апIурдар

(Эвел 7-пи машнаъ.) дарин къадар 24 бицIириинди артухъди ву. Гьелбетда, гьадму улупубра, цIибди вушра, юкIв шад апIубр ву. Гьелбетда, гьарсаб девриъ инсандин уьмурра чан саягъниинди гьабгъюру. Гьийин девриъ бицIидар гьахъи бабариз, гизаф бицIидар айи хизанариз гьюкуматдин терефнаан хайлин кюмекар а. Уьлкейиъси, республикайиъси, ихъ райондиъра йислан-йисаз бицIидар хъайи бабариз рягъгъвалар яратмиш апIури, бицIидарин

багъар ачмиш апIура, гьулайвалар артухъ шула, гъаци вушра, бабкан шулайидарин къадар лап ахъю дар.

-ЗАГС-диъ нюкгийъ учIврударин, нюкгийъ чIюргъударин къадар фицIиб ву?

-Ухьу зиихъ улупу 2020-пи йисан нюкгийъ учIвдарин къадар 284, хъа нюкгийъ гьючIюргъдарин къадар гьадму йисан 108 ву. Хъа 2021-пи йисан думу улупбар гьамцдар ву: нюкгийъ учIвдар-338, хъа нюкгийъ гьючIюргъдар-147.

2022-пи йисан нюкгийъ учIвдарин къадар-262, хъа нюкгийъ гьючIюргъдарин къадар 227 ву. 2023-пи йисан нюкгийъ учIвдарин къадар-203, хъа нюкгийъ гьючIюргъдарин къадар 281 ву. 2023-пи йисан гьийитIу нюкгийъртIан, гьючIюргъдар 78-динди артухъди ву. Гьелбетда, му цифрийири кIвак гъалабалугъ кипру. Му улупбартIан савайи, абавал тийин апIбан гьакънаан илтIикIрударра шулу. Думу улупуб 2022-пи йисан 34 кас вуйи, хъа 2023-

пи йисан думу улупуб юкьур касдиинди артухъ дубхъна, яни 38 кас ву. Хъа байвализ гьадагъдарин къадар 2021-пи йисанра, 2023-пи йисанра сабсиб гьабхъну, сасар кас байвализ гьадагъну. Аххиримжи вахтна ччвурар дигиш апIувалар хайлинси артухъ дубхъна. Ччвурар дигиш апIубтIан савайи, ччвурарийъ гьалатIар ади хъувализ лигнуну, суддин къарариинди дурар дюз алаьрударра хайлин шулу. Гъаци ччвурарин гьакънаан илтIикIрударин

къадар 2022-пи йисан 21 кас вуйи, хъа 2023-пи йисан думу улупуб 23 кас вуди гьисаб шула...

Улубкъурайи пишекарвалин йигъахъди тебрик апIури, учвуз, ЗАГС-дин пишекарариз, жандин мюгъкам сагъвал, хизандиъ хушбахтвал, ляхнийъ хъуркъувалар ккун апIурахъа.

**Фарзилат
РАЖАБОВА.
Нуруллагъ
РЯГЬИМОВДИ
гьиву шикил.**

Учредитель:
Администрация МР
«Табасаранский район».

Главный редактор
И.М. Яралиев.

Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:

Главного редактора -
8-967-390-76-85.

Адрес электронной почты:
golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию

Тираж - 2222
Заказ №